



kat.komp.

21669



Mag. St. Dr.

P

Aras

Archiepiscopus Gnesnensis.

*Pastorali Joachi Tiara principi Celestissimi Prin-
cipis Reverendiss. Archiepiscopi S. Andreae
Olisovii Archiepiscopi Gnesnensis.*

PANEG. et VITAE

Polon. Fol.

№ 844.

TIARA PRINCEPS

CELSISSIMI PRINCIPIS
REVERENDISSIMI ARCHIPRÆSVLIS

DOMINI
ANDRÆ
OLSSOVII
ARCHIEPISCOPI
GNESNENSIS

LEGATINATI
REGNI POLONIÆ M^q. D. LITHVANIÆ
PRIMATIS & PRIMI PRINCIPIS

Pio grati animi affectu

CELEBRATA.

à

IOACHIMO ab HIRTENBERG PASTORIO

S. R. M. Secretario &c.

ANDREAS OLSSOVIVS

PER ANAGRAMMATISMVM

EN OS AARONIS
LAUS SEDIS
AMOR POPVLI


EPIGRAMMA



Post Aquilæ curâ Lituo jam PRINCIPE regnas
Olssovi Patriæ Myſta ſupreme Tuæ.
ORE potens ſacri Dictator Iuris AARON
Gentis AMOR primæ gloria SEDIS eris.
Principis oraclū, Princeps ſimul ipſe Senator,
An ſuperest, quo jam progrediare decus?
Transcendis meritis Trabeas, virtute Curules:
Es Major reliquis, TE tamen uſq; Minor.

21.669 III

I. P.



CELSISSIME PRINCEPS

REVERENDISSIME ARCHIPRÆSVL

GRATISSIMVM HOC TEMPORE LABOREM MAGISTAS REGIA virtute & fortunâ Heroicâ parit ingenius: Pergratum & Tu, qui dignitate in Regno hoc uni Regiæ Majestati secundus es. Triumphat universa Polonia ob Regem tot adoreis inclytum, terrorem Orientis, capistrū barbarorum, domitorem rebellium, vindicem amissorum, gloriæ Sarmaticæ restauratorem: Triumphat simul in TE, quem Principe Tiarâ jam cœlum ornat, ut sit, à quo coronari possit Rex, cui dudum ultro se offert & quasi ingerit corona, sed qui certans modestiâ, & publici decoris, quàm privati studiosior hoc ipsum ornamentis omnibus præhabet, coronam semel accipiendam sæpius meruisse. Summa hæc duorum in Rep. primorum Caputum fortuna distraheret Scriptorum calamos, nisi TV uni Regi vacare eos velles, hâc contentus gloriâ, sub tam fortunato Bellatore felicem TE esse Primatem, ut qui, DEO auspice, tali Diadema impositurus sis, quo orbis noster Diademate digniorem non habet. Verùm in argumento laudum Tuarū, quale nobis jam offertur, non tam spectandum est, quid de TE verecundia TVA decernat, sed quid mereantur virtutes: Neq; Musæ à scribendi partibus immunes censentur, etsi eas moderatio genii TVI absolvat. Et quâ, obsecro, fronte literati Patronum suum in summi honoris fastigio & quasi Auge suâ positum silentes adspiciant? Quâ spongiâ ingrati animi labem abstergant, si nihil de suo exhibeant illi, cui se nihil non debere fatentur? Interim quia scimus solitum TIBI esse, laudibus Tuis intercedere, fas sit nobis cum Humanitate Tua transigere,

ut debitâ gratulatione satisfaciamus officio pietatis, & simul modestiæ TVÆ consulamus brevitæ elogii: Id tamen ante omnia professione publicâ testati, quod intra animum reverâ sentimus, merita TVA vix longo etiam dictionis apparatu posse percenteri, multò minus edisseri: Tota enim vita TVA ex merissimis virtutum decoribus composita est, quâ proinde totam ingenti labore enarrare debuerit, qui TE totum velit exprimere, & ne sic quidem, quicquid audeat, TE facile unquam ita expresse, quin infra fastigium dicendorum subsistat, dicentis conatus. Ad dierum quippe spatia, & pene horarum minutias exigenda fuerit differentis opera, cū vix ulla temporum momenta TV absq; aliquo laudabili opere passus sis effluere, invictus semper laboris, ad vana indocilis, adspersans vulgarium, parcus temporis, prodigus TVI. Sed vitæ & gestarum à TE rerum seriem historia, aut alius labor exequetur, si vitam fata produxerint. Ad grandem aliquem carminis orsum vix adspirare jam audet vena senilis, & hæc qualicunq; conatu Heliconis ante complures jam annos affectum suum se meminit contestatum. Nunc pace Tua, PRINCEPS laudum in ipso NOMINIS & OFFICII TVI complexu reconditarum stricturas elicere, & sic operâ minus usitatâ, compendiosâ tamen, adumbrare TE nobis liceat. Cum primis autem augustum & venerabile OS AARONIS in TE contemplandum nobis proponitur. Quæ imago ex sacro DEI populo petita, & summum sacrorum Antistitem referens, TIBI displicere nec potest, nec debet, qui Christi populo magni pariter ANTISTITIS autoritate præes. AARON frater Moyfis & hoc ipso Divini populi Duce major annis, priusquàm supremam illam sacerdotii dignitatem acciperet, interpret, verèq; adeò Cancellari⁹ Moyfis & ipsius DEI erat: Cum hic ore tardior, ille DEI ipsius testimonio eloquens esset. Hinc quoties Rex Ægypti compellendus erat, ore Aaronis compellatus est. Aaronem igitur TV nunc quâ præcipuus & PRIMVS Regni ANTISTES, refers,

refers, cū hactenus eundem, ut Cancellarius summè faci-
dus repræsentaris. Eo felicior Aarone, quod nullus unquam
Pharao TIBI alloquendus fuit. Legati munus obiit ad Ty-
rannum Aaron: TV Legati honore ad Comitia Electoralia
Imperii Germanici, & ad ipsum dein Augustum IMPERA-
TOREM ac demum Regalis matrimonii fœdera sancienda,
laudabili dexteritate perfunctus, nunc LEGATI PERPE-
TVI, & ut Roma ipsa & tota Europa Te vocat, LEGATI
NATI nomine & insignibus fulges. Neq; verò quemadmo-
dum Aaron uni Moyſi adminiſter fuit, ſic Tu uni Domino, uni
Principi operam navasti. Plurium TV Regum tempora per-
menſus, Duorum fuiſti oraculum, tertio PRIMVS jam Re-
gni PRINCEPS aſſides. De omnibus TE præclare mēritum
faſſi ſunt, & ſarentur omnes. Ingenio, eruditione, pruden-
tiâ, fide, tolerantia laboris, facundia nullus Anteceſſorum
dici poteſt TE antecēſſiſſe. Magnæ felicitatis res erit, ſi ull⁹
ſequentium TE pari virtutum ac meritorum gloria aſſeque-
tur. Ingens certè onus ſucceſſoribus Tuis impoſuiſti, quan-
do parvam iis ſpem reliquiſti TE æquandi, ſuperandi nullâ.
Nam & plus laboris in hoc munere TVO ſuſtinendum TI-
BI fuit, quàm ullus ferè ante TE alius ſuſtinuit, aut poſt TE
ſuſtinebit. Cū enim in duos ſemper diſpertitæ fuerint SI-
GILLI SARMATICI curæ, in TE propè ſolum tota illa
moles, difficillimis Reip. temporibus, incubuit: quia IL-
LVSTRISSIMVS COLLEGA, Vir ſummus, & incompa-
rabilium meritorum, ſed ætate & morbis invalidus, rariùs
Aulæ præſentiam ſuam commodare potuit. Cui proinde
gratum fuit, talem habere Alciden, qui dexteritate ingenii
terre poſſet illud rerum pondus, quod duos antehac fatigare
conſueverat. Et TV ſanè tam ardui muneris partes ita im-
pleviſti, ut rariſſimi quiq; , nec niſi æmulationis æſtu abrepti,
invenirent, quod in TE deſiderarent, omnes, quod laudarēt.
Regibus ſerviſti, ut fidus & prudens Conſiliarius, ſed liber
idem Senator, & adeo liber, ut aliquando & offenderes vera
dicendo

dicendo, quibus assentando placere potuisses. In periculis
nunquam trepidus, inter calamitates, imò & ruinas publicas
stetisti semper immotus. In ea quippe incidisti tempora, ut
plena res discriminis esset, ancipitia ac quasi nutantia Reip.
Fata suscipere. Suscepisti, volente DEO, eodemq; Auspice
Patriam bellis externis internisq; attritam, ac pene pessum
fidentem prudentibus consiliis erexisti, servasti. Popularib⁹
TV auris nunquam nisi ad publici boni portum velificatus
es. Cum illæ aliquando in magnos & verè Principes Viros
æstu factionum, quarum liberrima gens non est insolens, ef-
ferbuisent, TV sapienter moderatus es: Nec timuisti æquis
innocentiam excusationibus tueri, quam culpæ, tum inno-
centium esse credebatur, imò quam non culpasse, penè jam
capitale erat. Longè itaq; ipso Aarone, cum quo TE com-
parare cæpimus, constantiorem firmioremq; TE exhi-
buiti. Illum olim populi desipientis & verè vitulantis furo-
re ad infanda compulsus novimus. Fædissima sanè in po-
pulo DEI oborta tum Eccipsis est religionis, cum veneran-
dum canitie senem, Principem sacrorum, Antesignanum o-
mnium, quotquot ad Messiam, usq; inter Hæbreos fuere,
primariorum Sacerdotum, tot prodigiorum & testem & or-
ganum, seditiosus Idola poscentis turbæ torrens eò abripuit,
ut vitulos aureos conflare, & impio furori adorandos præ-
bere sustineret, acerrimam eò nomine à DEO & Moyse re-
prehensionem meritis, penè & cum aliis iræ divinæ immo-
latus. Quanto TV melior & incorruptior, qui in nullam
unquam labem cultui Divino illatam consensisti: Quinpo-
tius eò semper flexisti consilia, eò labores & studia contuli-
sti, ut divinum honorem, ut sanctam religionem augmentis
quàm maximis amplificares proferresq;, securus invidiæ, &
contemptor odiorum, quæ DEI amor inter ignaros aut ne-
gligentes meliorum TIBI conflare potuit. Tali via, PRIN-
CEPS CELSISSIME, ad summum, quem nunc accedis, ho-
noris verticem, procul ambitu & omnia alia pridem cogi-
tans

tans, pervenisti. Hoc præmio Pietatem & cæteras virtutes
TVAS æquus meritorum arbiter DEVS compensat: Id si-
mul agitans, ut non minus lucis, augustæ, quam adis; SEDI
ex TE affundas, quam SEDES affundit TIBI. Illius TV
LAUS, illius decus & gloria esse destinatis, & ut firmiter cre-
dimus, eris. Eam illustrabunt meritorum Tuorum antepa-
ra, eam Iuventutis Tuæ, eam virilis Togæ labores ornabunt.
Eò enim TV Tecum infers quicquid à præclaris Majoribus
decorum habes, quicquid cælestis ingenii vigor, quicquid à
teneris diligentissimè culta literarum studia, quicquid pera-
gratæ Regionis extera, quicquid anni per tot illustrium di-
gnitatum, tamq; varios negotiorum colores transacti, in TE
acervatim congesserunt. Nihil detractum cupio Antecesso-
ribus, quos ut plurimum dotibus præstantissimos Principi
huic Insulæ favor cœli & Principum felix calculus dedit Præ-
fides. Quin potius Manes eorum debitâ pietate veneror,
gloriæq; tantorum Præsulum lubenter & assurgo, & post-
humæ eorum Famæ calamus offero vectigalem. Sed nec i-
psa opinor, invidia diffitebitur, verum me dicere, si dixerò,
nonnullos quidem sed paucos illorum eum virtutum & me-
ritorum cumulum ad hanc SEDEM attulisse, qualem TV
affers, paucissimos, & fortè nullos attulisse majorem. Illo-
rum aliquos insignis Pietas, excellens sanè talis Insulæ decus,
alios alia ornamenta commendavere. In TE rarum omni-
um laudum consensum concentumq; miramur. Lucet in
TE DEI & Sacrorum Reverentia, fulget rerum Divinarum
peritia, sed ut eam prudentia, rector humanarum, juxta co-
mitetur. Cernitur probitas, sed cordata & æquè falli, quàm
fallere nescia. Nitet magnanimitas, sed modestiæ non im-
memor. Splendet autoritas, sed Gratiis temperata. Micat
humanitas, sed quæ gravitati nihil detrahat: Temperantia,
sed serenitati mentis non obstruens: Iustitia, sed cle-
mentiam non excludens: Clementia, sed non dissolu-
ta: Severitas, sed non inhumana: Munificentia, sed quæ
fontes

fontes derivet, non exhauriat: Eruditio, sed sine supercilio:
Eloquentia, sed qualis liberæ Reip. gubernandæ summè ido-
nea est. Emicat simul eximius decor vultûs, sed ut pulchræ
mentis index, non ut fax superbiæ. Breviter ut dicam, in Te
natura monstrare voluisse videtur, quid in capacibus rerum
magnarum ingeniis possit. Conformis porro naturæ exerci-
tatio Talem TE eduxit, & eousq; consummavit, ut omni-
bus ad alta adspirantibus exemplo esse queas. Et ea est men-
tium erga TE propensio, ut capaces arduorum neminem se-
qui, & quantum possunt, imitando exprimere malint, quam
TE qui & culmen tenes virtutum, & in altissimæ fortunæ a-
pice positus, longè latèq; conspiciendas præbes dotes illas,
per quas surrexisti. Hoc utiq; certum, & liquidum, nullum
in hac Rep. ordinem esse qui TIBI non gratuletur, ut for-
tunâ hac, quam possides, dignissimo. Quod si verum est, uti
omnino est, magnam felicitatis partem esse, felicitate dignû
plurimis videri, eam utiq; felicitatem præ multis assequutus
es. Vix enim quisquam est, qui meruisse TE neget, quod
obtines: Qui non item gaudeat, obtinuisse TE, quod me-
rueris. Vt à capite Reip. nostræ ordiar, ipsius Regiæ Maje-
statis dudum jam intimum experiris favorem. Quem eò
firmiorem TIBI polliceri potes quò altioribus fixum radi-
cibus sentis. Amor ille ante sceptrum mutuâ æstimatione
natus, mutuis crevit officiis, nec ullis ab alto intonantibus
procellis concuti aut labefieri potuit. Veneratus es ut ma-
gnum & optimè meritum belli Ducem, cum nescio quæ a-
cerba & iniqua sidera Virtuti & Famæ præclarè merentis
obstreperent. Non refugisti invidiæ subire consortium, ne
innocentiam defereres. Neq; rejecisti amicitiam, ut ut pe-
riculosam & magno tum constantem. Eò autem incorru-
ptior erat TVA erga afflictæ tum virtutis Heroem, fides,
quò minus sciebas, ad id fastigii perventurum, ad quod ille
postea, præter opinionem, pervenit. Occultum nempe Nu-
minis decretum sceptro illum destinabat, & TE arcanis sti-
mulis

mulis movebat, ne se jungi TE patereris à Duce, qui tandem
precium virtutis, & tantarum adversitatum habiturus esset
Diadema. Sic mansit illibatus, inter vos nexus, & nec vis ulla,
nec fortuna ipsa in eam quicquam potuit. Et quod magis
mirum, pari factorum consensu ac harmoniâ ad culmina rerû
destinatos vos fuisse, eventus docuit. Eodem enim tempo-
re PRINCIPI ad SOLIVM apertus est aditus, quo TIBI ad
PRIMATVM. Sub ipsum quippe Electionis tempus fato
cessit vir in Rep. summus & nunquam sine honore nominan-
dus, quo superstitè TV Insulam adipisci haud poteras, ægrè
etiam indigena ullus Diadema. Vnius fideris occasus pepe-
rit utriq; , quod neuter sperare audebat. Sicq; casu mirabi-
li evenit, ut Suffragia ordinum, primo Hunc, quem nunc ut
cœlo datum veneramur, nuncuparent Regem, Rex verò illi-
co TE ARCHIEPISCOPVM legeret. Vt adeo primum
verè Regionum operum sit PRIMATVS Tuus. Sed nec il-
lud silentio involvendum, antiquo more in hac Rep. rece-
ptum esse, ut Dignitates Senatoriæ non conferantur cuiquã,
nisi à Rege coronato. Quæ consuetudo, si servanda fuisset,
non antè Insula hæc circumdedit caput Tuum, quàm Co-
rona Regium. Sed datum hoc est orbæ matris Reip. tempo-
ri, ut si illa ob gravissimas causas tam citò coronatum habe-
re non posset Regem, saltem PRIMATEM & PRINCIPEM
Senatus haberet sollemniter palliatum. Quò nimirum domi
esset, cuius sacer & perspicax oculus clavo rerum advigi-
laret, quandoquidem Serenissimus propulsandis hostibus,
& redintegrando Reip. corpori intentus, à coepto laudatissi-
mo avelli nec volebat, nec poterat. Prout autem Regiæ Ma-
jestatis: sic & Senatus favorem eo ipso, PRINCEPS CEL-
SISSIME, cognovisti, cum ad eum modum non expecta-
re, sed præcipere iussus es consuetum Insulæ huius capeffen-
dæ tempus. Neq; enim ullus quod sciam, Senator anticipa-
tioni huic intercessit, quia nec perperam bono publico, nec
frustra tanto cœterorum consensui intercedere quisquã vo-
luit.

luit. Iam de Civium erga TE benevolentia quid dicam? Ea sanè tanta est, ut, si quisquam, TV utiq; de ea jure gloriari, nos TIBI gratulari possimus. Nihil damus auribus, cum TE verum POPVLI AMOREM dicimus, Et eò magis in TE hoc cæli beneficium miramur, quantò minus id quibusdam ante TE Sigilli Custodibus contigit. Constat sanè, ut illustre sic arduum hoc esse munus, & variis censuris, variis etiam subinde offensis obnoxium, præcipuè in hac libertate, quæ nonnunquam in gravem affectuum & judiciorum licentiam erumpere solet, quia impunè semper potest. Et profectò vix fieri posse arbitror, ut hic quavis officii partes abundè impleverint CANCELLARII, spes omnium impleant, aut æquent vota. Stant illi quasi medii inter Reges & Cives, & tam horum iura quàm illorum Majestatem tenentur tueri. Sæpè autem lucta quædam inter delicatam Majestatis custodiam, & suspicacem libertatis curam oboritur. Ægerrimè tum offensas vitant, qui utriq; ita servire debent, ut neutri quicquam detrahatur. Et nonnunquã eò effervescent partium studia, ut penè in Scyllas & Charybdes agant navem Patriæ. Difficilè tum est, iter offensionis periculo vacuum invenire, difficilius sequi. Inde factum, ut quidam talium ministrorum aut Regibus minus grati fuerint, aut facti sint victimæ odii popularis. Aliquando illi suos, aliquando & Principum errores luere: Imò & quod alii quidam peccauerant, id his imprimis imputatum est. TVA, MAGNE PRINCEPS, diversa & melior sors fuit. Pleraq; actiones Tuæ aut non accusatæ, aut absolutæ sunt Civium calculo: Et si quid minus rectè cessisse compertum est, id nō Tuâ culpâ evenisse judicatum, sed eorum, qui TE audire recusarunt. Liberè dicam quod sentio, quodq; alios complures mecum sentire arbitror. Principes nostri, quorum temporibus TE fata Ministrum dederant, multos ancipites scopulos vitare potuissent, si consiliis Tuis acquievisent. Et ipsi tandem agnovère peccatū, sed cū tempus emendandi effugisset.

effugisset. Tibi interim, ut Consilioru Tuorum ratio constitit, ita in eo fortuna favit, ut hanc constitisse Tibi, multis imò omnibus constaret: Sic inter varias rerum vices immota Tibi stetit benevolentia populi, & cum cœtera sentirent rotam fortunæ, Amor Tui non sentit. Nec difficile est causam animadvertere, quomodo id quod fluxum, & breve esse tam multi compererunt, Tu expertus sis stabile. Ingenuè eam exprimo, quam verissimam arbitror. AMARIS a Civibus, quia à TE Cives AMANTVR: Amaris constanter, quia nec TV in amore Patriæ unquam refrixisti. Patriæ TV omnia posthabes: Patriæ tot calamitatibus afflictæ, tot bellis exhaustæ, sanguinem coloremq; pristinum reddere, omni ope conaris. Huic curæ dies noctesq; impendere solitus es: Nec contentus totam hanc Reip: navem inter decumanos subinde fluctus, quantum in TE fuit, incolumem servasse, de singulis etiam civibus bene mereri consuesti. Pronas non Magnatibus solum, sed & tenuissimo cuiq; aures præbere, postulata patienter cognoscere, ad Principem deferre, merita omniū tam sago quam toga publico servientium bona fide commendare, prompta cuiq; dare responsa, subditis Regum jus dicere, injuriam patientibus manum porrigere, alienæ intercedere miseriæ & inopiæ, solemne & quotidianum TIBI: Mitto discordias publicas, quas sopire, pabulum animi Tui, mitto & Comitia, quorum æstus spiritu Tribunitio concitatos temperare, Tui potissimum ingenii, Tuæ dexteræ & facundiæ labor fuit. Ista sine supercilio, pompa, & fuce, voce blanda, vultu amabili, animo sincero & inter tempestates etiam sereno agentem quomodo destituere potuit AMOR POPVLI? Quomodo etiam muneri illi valedicentem non deducere ad thronum altiolem? Deducit enim verò & eodem affectu, quo Tuos hætenus labores persequutus est, sublimiorem TIBI fortunam gratulatur. Respondet cœterorum omnium gaudio Parnassæ quoq;

C 2

turbæ

turbæ concentus. Applaudunt honori Tuo Sacra Piarum
doctarumq; mentium frontisteria, in quibus puber ætas
Tua primos ingenii flores explicuit. Applaudit Mater Ar-
tium Academia Cracoviensis, quam studiorum Tuorum
felicem olim Alumnum præclaro animi emolumento ex-
pertus, bibliothecâ amplissima, Tuæ perennis liberalitatis
cêsu publico usui apertâ ornâsti, eoque ipso æternitatē ipsa TI-
BI vectigalē reddidisti: Applaudimus omnes, quotquot Mu-
sarum, quarum Mæcanas es, commercium amamus. Vo-
vemus porro, ut altissimæ huic SEDI incolumis & for-
tunatus diutissimè præsis. Cœlum, PRINCEPS CELSIS-
SIME, non ipse solum experire, sed & quantum tantus
Pontifex potes, redde propitium Patriæ Tuæ. TE PRI-
MATVM hunc suscipiente pulcherrimis en palmis efflo-
rescit Polonia nostra; REGE FORTISSIMO ingentem
terrarum tractum Regno feliciter reddente. Addat gra-
tia cœlestis perennitatem beneficiis suis, ut, TE PRIMA-
TVM hunc feliciter administrante, idem gloriōssimus bel-
lator noster, quicquid Patriæ inimicum restat, fortunatis
perdomet armis, & triumphato imprimis Christiani
nominis hoste, gloriosæ firmæq; pacis fer-
tilitate Poloniam coronet, Regna no-
bis amica fulciat, æmula no-
cendi facultate
exarmet.





